

Nunatsinni sulisoqarniarnikkut sulisussarsiortarnermi aammalu sulisunik atatitsiinnarnissamut pissutsinik Naalakkersuisut qulaajaanermik suliaqar-titsinissaannik Inatsisartut aalajangiiffigisassaattut siunnersuut. Qulaajaalluni suliap pingaartumik sammissavai inuiaqatigiittut ingerlatsinermi pingaarutillit suliffeqarfii, soorlu peqqinnissaqarfik, atuarfeqarfii, inunnik isumaginnittoqarfii il.il., aamma ilanngullugu saqqummiunneqassapput suut suliniutit ingerlanneqarnersut innuttaasut suliffeqarnermut attaveqarniarnermikkut annaasaqarnissamut aarlerinaatillit pillugit. Qulaajaalluni suliaqarneq kingusinnerpaamik naammassineqarsimalluni Inatsisartunut saqqummiunneqassaaq Inatsisartut 2016-mi ukiakkut ataatsimiinneranni (Inatsisartunut ilaasortanit Steen Lynge aamma Siverth K. Heilmann, Atassut, saqqummiunneqartoq)

pillugu

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inuussutissarsiornermut Ataatsimiititaliaq suliarinninnermini ukuninnga inuttaqarpoq:

Siverth K. Heilmann	Atassut, siulittaasoq
Aqqaluaq B. Egede	Inuit Ataqaatigiit, siulittaasup tullia
Suka K. Frederiksen	Siumut
Iddimangiiu Bianco	Inuit Ataqaatigiit
Justus Hansen	Demokraatit

UKA2015-imi ulloq 5. novembarimi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuuteqartut kissaatigaat pingaartumik peqqinnissaqarfimmi, atuarfeqarfimmi isumaginnittoqarfimmilu sulisussarsiortarneq sulisunillu atatitsiniaaneq pillugit aaqqissuulluakkamik qulaajaalluni suliaqartoqassasoq. Siunnersuuteqartut kissaatigaat erseqqissumik paasineqartariaqartoq taarsaannerit qanoq annertutiginersut, qanorlu suliffiit akuerisaareersut inuttasaqartinniarneri inissisimansut suliffeqarfiillu ataasiakkaat sulisunik atatitsiniaanermi qanoq periuseqartarnersut aammalu suut sulisussarsiornermi periaatsit

atorneqartarnersut. Innuttaasut suliffeqarnermut attaveqarniarnerminnik annaasaqarnissamut aarlerinaatillit suliffeqarfinni atatiinnarneqarnissaannut suliniutit aallartinneqartut ingerlanneqarnersut qulaajaalluni sulinermi aamma ersersinneqassapput.

2. Siunnersuutip Inatsisartuni siullermeerneqarnera

Siunnersuut akuerineqartussat Naalackersuisunit inassutigineqartoq aammalu partiinit amerlanerussuteqartunit akuerineqartussat inassutigineqartoq ataatsimiititaliamit oqaatigineqassaaq.

Aalajangiiffigisassatut siunnersuummi matumani qulaajaanissaq aalajangiiffigisassatut siunnersuummut immikkoortoq 37-mut atatillugu aammalu taasuma imarisaanut tapertassatut isigineqarluarsinnaasoq ataatsimiititaliaq isumaqarpoq, taanna Inuussutissarsiornermut Ataatsimiititaliap isumaqatigiittup ulloq 6. november isumaliutissiissuteqarfigaa, tassanilu *”Nunaqavissut tikisitallu akornanni Namminersorlutik Oqartussani, Namminersorlutik Oqartussat suliffeqarfiutaanni kommuninilu sulisut qanoq agguataarsimanersut pillugu kisitsisinnngorlugu (statistisk) paasissutissamik Naalackersuisut UPA2016-imi saqqummiusseqqullugit peqquneqarnissaat. Nalunaajaaneq Kalaallit Nunaannut suliffissarsiortut killilersimaarnissaat pillugu Inatsisartut inatsisaat saqqummiussinermi aallaaviussaaq.”*

Immikkoortoq 82-imut tunngatillugu qulaajaanerup 2016-imi ukiakkut ataatsimiinnermi saqqummiunneqartussap 2016-imi aasaata tungaanut ingerlanneqarnissaa Naalackersuisunit naapertuuttutut isigineqarmat ataatsimiititaliap naammagisimaarlugu maluginiarpa. Suliap ingerlanneqarnerani Namminersorlutik Oqartussani Aningaasaqarnermut Sulisoqarnermullu Aqutsisoqarfik aammalu Ilaqutariinnermut, Naligiissitaanermut Isumaginninnermullu Naalackersuisoqarfimmi Anguniakkanut Ineriartortitsinermullu Immikkoortortaq Naalackersuisunit peqataatinniarneqarput.

3. Ataatsimiititaliap siunnersuummik suliarinninnera

Siunnersuut partiinit amerlanerussuteqartuni Naalackersuisunillu tapersersorneqartoq ataatsimiititaliamit maluginiarneqarpoq. Tamanna ataatsimiititaliamit tusaatissatut tiguneqarpoq.

4. Ataatsimiititaliap inassuteqaatai

Siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Siverth K. Heilmann
Siulittaasoq

Aqqaluaq B. Egede

Suka K. Frederiksen

Iddimanggiu Bianco

Justus Hansen